

"Surat sudah dihantar seminggu selepas Zaidatul melakukan catatan itu tapi mereka masih lagi mendiamkan diri"
Karim Ibrahim

HARIAN METRO

KOM berdepan pengesahan rekod baru kebangsaan acara 100 meter wanita

Aida Adilah Mat
aida_adilah@hmetro.com.my

Kuala Lumpur

Kesatuan Olahraga Malaysia (KOM) sekali lagi dilanda kontroversi apabila berdepan masalah pengesahan rekod kebangsaan membabitkan acara 100 meter wanita.

Episod sama yang pernah terjadi kepada Badrul Hisyam Manap dalam acara 100m dua tahun lalu kini berulang.

Semalam KOM mengesahkan rekod kebangsaan yang dicipta oleh Olimpian negara Zaidatul Husniah Zulkifli di Afrika Selatan Mac lalu tidak diiktiraf hingga penganjur memberi dokumen pengesahan.

Atlet dari Alor Setar itu mencatat keputusannya 11.45 saat pada Kejohanan ASA Speed Series 2, Bloemfontein, Afrika Selatan, memadamkan rekod lama 11.50s milik G Shanti yang dilakukannya pada aksi Pra-Sukan SEA di Kuala Lumpur pada 7 Mei 1993.

Namun perkara itu kini



Kontroversi lagi!

ZAIDATUL (kiri) catat 11.45 saat di Afrika Selatan.

menjadi persoalan apabila Presiden KOM, Datuk Karim Ibrahim memaklumkan hingga kini tiada sebarang pengesahan diterima daripada penganjur kejohanan.

"Untuk pengesahan rekod, kami perlukan bukti. Tapi hingga kini masih belum ada

sebarang maklum balas diterima.

"Surat sudah dihantar seminggu selepas Zaidatul melakukan catatan itu tapi mereka masih lagi mendiamkan diri.

"Bagi mengesahkan sebarang rekod, butiran terperinci diperlukan kerana ia bu-

kan perkara main-main," katanya pada mesyuarat jawatankuasa pemilihan dan kejurulatihan KOM di Wisma Majlis Olimpik Malaysia (MOM), semalam.

Mengukuhkan perkara itu, Karim memaklumkan catatan Husniah 11.45s itu juga tidak berada dalam senarai

ranking Persekutuan Olahraga Amatir Antarabangsa (IAAF).

Selain Zaidatul pelari 400m, Azam Masri turut sama terkena tempias apabila catatan terbaik peribadi dalam acara 100m, 10.22s juga tidak diiktiraf kerana masalah teknikal.